


sen. Ich glaube also durch diesen kurzen Versuch gezeigt zu haben, wie wenig man den Ahndungen und Träumen, in Hinsicht auf künftige Wirkungen, zutrauen soll, welches die Hauptabsicht gegenwärtiger Untersuchung war.



POSITIONES
EX
PHILOSOPHIA THEORETICA.


LOGICES PRÆCOGNITA. Homo hominem prius noscat, quam ad exterarum res investigandas se convertat, & ordinis & dignitatis videtur postulare ratio. Non igitur abs re faciunt, qui à Psychologia Empirica, in studiis philosophicis pertractandis exordiantur. Hæc primum *animam* homini, eamque *unicam* inesse docet. Illam quoque à corpore organico diversam esse, mutationum, quas in nobis & in corporibus animadvertimus, diversitas docet. Arcum tamen corpus inter & animam commercium est, cui explicando varias hypothèses excogitarunt Philosophi. Quæ in anima humana occurrunt, ad duo principia redeunt, facultatem nimirum cognoscendi, *intellectum* significatu latissimo, & *voluntatem*. Ad primum eorum refertur



sensus, quo res, quæ præsentibus jam nos adficiunt, percipimus; & ille quidem, qui circa res extra nos positas versatur, *externus*, qui ea, quæ animam intime adficiunt, respicit, *sensus intimus* dicitur, quorsum *sensus veri, pulchri, & honesti* quoque pertinent. Res præteritas nobis sistunt *imaginatio & memoria*; futura *prævisio*. Rerum quoque naturam anima nostra perspicere satagit *ratione, judicio* atque *intellectu*, quæ facultates attentione abstractione & compositione potissimum perficiuntur. Hæ cognoscitivæ vires, quamvis omnibus hominibus communes sint, magna tamen in iis deprehenditur *ingeniorum* diversitas, cujus causa cum in *corporis constitutione*, tum in *educatione* atque in iis, quibus hæc adjuvantur, rectè quæritur. Neque hic prætermittendi sunt diversi quidam quoad cognoscendi vires, mentis humanæ status, è quibus *somnus, somnium, insania* atque *Entbusiasmus* potissimi sunt, quorum diversis phænomenis explicandis principia nostra rectè hausta facile satisfaciunt.

EX LOGICA.

Intellectus humanus multis obnoxius est erroribus, quos evitandi præcepta tradit *Logica*. Itaque pro ideis, judiciis atque rationibus,



tanquam præcipuis intellectûs operationibus recte formandis regulas suppeditare, scientiæ hujus præcipuæ partes sunt. Magna notatur idearum diversitas, quæ vel ex *objectis*, vel ex *modo*, quo ea cognoscit anima, repetitur. Ideæ omnes originem trahunt à sensibus, nullæque sunt animæ innatæ. Erroribus præcavendis maxime subserviunt ideæ claræ & distinctæ, quarum efformandarum media apprimè adcommodata sunt *definitio & divisio*. Ideæ variis modis inter se junctæ atque consociatæ sunt, ex cujus consociationis legibus varia quoque virium cognoscitarum phænomena licet explicare. Idearum adsociationem adjuvat quoque *signorum*, *sermonis* ac *scripturæ* usus; quarum rerum in cogitando, veroque investigando maxima vis est. Ex idearum ad se invicem relatione nascuntur *judicia*. Diversa horum nota sunt genera, prout diversa eorum est ratio, in qua spectari possunt. Præprimis autem veritatem in judiciis logica exigit, ad quam obtinendam opportunas statuimus leges. Ex judiciis alia quoque judicia erui posse, haud obscurum est intelligere, ex quo genesis *ratiocinii* satis redditur manifesta. Variæ sunt ratiociniorum formæ, de quarum principiis & legibus, quantum congruum erat, egimus. Ad logicam quoque spectat, veri-

incipi, & va
 à investigare.
 determinanda,
 in istis inquire
 ita immediate
 peritatorum, cujus
 à ministravimus
 erant, atque alio
 que remansit certo
 sequi de arte ex
 ta exque ac sermo
 ic adhibemus. In
 ro cogitaci negoti
 in non oportet v
 ita indigende si
 que humana m
 que eos evitand

EX N

(biologia. Gen
 etia deducta pr
 Notionum ha
 tum relativar
 ita, possibilis
 tanti, necessar
 improbabilis, re
 & accidens no
 va genus Ide



tatis principia, & varios eam cognoscendi modos investigare. Unde primum veritatis notio determinanda, & varii animæ circa veritatem status inquirendi sunt. Ex veritatibus aliæ *immediate* patescunt, aliæ *mediate demonstratione*, cujus varias species & requisita subministravimus. Legitima *sensuum experientia*, atque aliorum *testimonium* opportuna veritatis certo cognoscendæ media sunt. Quidquid de *arte experiendi*, & de *arte critica* æque ac *hermeneutica* dictu utile erat, hic adjecimus. In multis casibus, ubi veritas certo cognosci nequit, opinionem probabilem non oportet respuere. In veritatis eo melius indagandæ subsidium, causas errorum, in quos humana mens ita prona est, remediaque eos evitandi generaliora apposuimus.

EX METAPHYSICA.

Ontologia. Generaliores rerum notiones, atque ex his deducta principia scientia hæc contemplatur. Notionum harum vero alterum absolutarum, alterum relativarum genus est. Ad primum existentia, possibilis & impossibilis, essentia, attributi & modi, necessarii & contingentis, mutabilis & immutabilis, realitatis & negationis, substantia & accidentis notiones pertinent; ad alterum vero genus Identitatis & diversitatis, ordinis,




perfectionis, spatii, temporis, causæ & effectus, quæque inde deducuntur consecutaria, referuntur.

Monadologia. Hæc de simplicibus corporum elementis disserit. Ex elementis huiusmodi metaphysice simplicibus omnia corpora oriri, plures evincunt rationes. Ex natura horum elementorum facile intelligitur, ortum eorum esse creationem, interitum vero, si in ea cadat, annihilationem. Differentia si inter ea datur, à viribus eorum repetenda est. Ea quoque viribus hisce in se mutuo agere posse, confitendum est.

Somatologia in corporum proprietates inquirit. Primitivæ corporum adfectiones nos latent. Omnis eorum mutatio motu efficitur. Vis inertix & vis motrix omni materiæ insunt.

Pneumatologia de substantiis sensu atque cogitatione præditis, quæ *spirituum* nomine veniunt, disquirat. Cogitatio spiritibus propria substantiæ materiali non competit. Spiritus *felicitatis* proprie capaces sunt, atque in iis solum *fines* rerum concipi possunt. Plura *spirituum genera*, quam cognita nobis sunt, existere, eaque multis rationibus inter se dif-



ferre queunt. An spiritui omni finito corpus sit necessarium, in medio relinquimus. Animam nostram ortum ex nihilo habere, facile patet. Neque adeo ex aliis tanquam parentibus emanare aut produci, neque avulsæ à divina Substantia particulæ esse poterunt. Qualis autem sit status animarum post corporis interitum futurus, ratio non facile determinare potest. Brutis quoque vere inesse animas, easque simplices, diffiteri non possumus; eas autem *ratione* uti non perspicimus. Neque eorum adhæremus sententiæ, qui omnem differentiam inter bruta & homines à solo corpore repetunt. Omnem animam & spiritum finitum quam longissime superat spiritus infinitus & perfectissimus, cui summa inest intelligentia, qua distinctissime uno actu & intuitu novit omnia possibilis, adeoque & futura contingentia. Ei quoque inest vis creatrix atque omnipotentia, perfectissima voluntas, sapientia, beatitudo ac libertas, summa denique benevolentia, justitia sanctitas, atque omnipræsentia. Nullum quoque hic spiritus agnoscit sibi parem aut similem.

Cosmologia de hoc universo, ejusque rationibus tractat. Ac primum quidem haud satis admirari valemus intimum, qui inter



omnes hujus universi partes intercedit, *nexum cosmicum*. Hic tamen tantus non est, ut omnes mundi eventus ineluctabili *fato* subjiciat; neque ex adverso, *fato sublato*, *casui puro* in mundo locus est. Ex considerata mundi natura haud difficulter intelligitur, eventus supernaturales atque miracula in mundo fore *possibilia*. Quaedam quoque leges mundi generalissimæ facile redduntur *perspicuæ*, è quibus *lex continuitatis*, *parsimonix*, atque *conservationis* sunt celeberrimæ. Neque quidpiam obstat, quo minus mundus hic dici possit perfectissimus.











Theologia naturalis. Mundi hujus existentia supremi quoque *numinis existentis*, præter alia, palmare argumentum est. Hujus summam esse potentiam, sapientiam atque intelligentiam, mundus satis demonstrat. Mundus hic quoque in existendo & conservando à Deo dependet, regitur ac provide gubernatur. Neque difficile est, ex hisce Dei adtributis, accedentibus quoque aliis argumentis, animi humani perpetuam durationem intelligere.

O. A. M. D. G.

THESES
 HIST
 ECCLES
 TERTIA
 A GRANDI OCCASIONE
 CONSILII REFORMANDI
 VINUM CONTINERE
 TITUM INTERDICTUM
 P. R.
 IOAN.
 INSENT. ARCHIEP
 INSENT. NEC NOM
 PONT. CONSILLA
 STUALI, V. THE
 TILESANT. PROV.
 DE, ET HOC VI
 DE AD S. STEPH
 LABI, ACAD
 PRO PRIM
 PUBLICI
 IO A N
 S T E
 ARCHIEPISCOPO
 CIU
 DIE XI
 IN AUDI
 REVE
 Typogr. K
 1791

TIFFEN® Gray Scale




























© The Tiffen Company, 2007

A	1		R	2		G	3		B	4		W	5		M	6		G	7		K	8		Y	9		C	10		M	11	12	13	14	15	16	17	18	19
----------	---	---	----------	---	---	----------	---	---	----------	---	---	----------	---	--	----------	---	---	----------	---	---	----------	---	---	----------	---	---	----------	----	---	----------	----	----	----	----	----	----	----	----	----




TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
								
								
								

Inches



Centimetres

